

Мокшэрзянь
ВЛКСМ-нь обкомт
и Саранскань
Горкомт газет-
ска

Редакцият адресон:
Саранск, ул. Карла
Маркса 9—«Комсо-
молонь вайгяль»

Газетат питнеп
новс 60 трешник



Комсомолонь ВАЙГЯЛЬ

6
СЕНТЯБРЬСТА
1935 КИЗОНЯ
99 (с 00) №
Лисенди омбоце киз ковти 12

Омысленнай тонафнемать, Зубрежкать и сянть колга кинь улихть проаванза азондомс эсь прянь отличникокс

КЕЛЬГОМА ИДНЯТ!

Ушедсь тонафнема од кизось.
27 миллион советской школьникт
озасеть школьной партать
ваксс тонафнема.

Кодамот тинь задачанте тя то-
нафнема од низоста?

Тя кизефксть ланкс обычно отве-
чакшнихть: тонафнема качест-
ванц инкса тюремась.

Тя виде, конечно. Но эряви шарь-
хкодемс, мезьса ашихть тя пра-
вильнай лозунгть особенностенза
тятдень тонафнема кизоть.

Великий большевистский пар-
тият и минь вождедьконь Сталин
ялгать руководстваснон ала рабо-
тай советской школас мекольдены
кизотнень ламода цебарьгефтозе
эсь работанц Иднатьне кармасть
тонафнема стабилнай учебниконь
коряс, твердай программань и рас-
писаниянь коряс. Содама шитнень
уровеньца сяда кассь, сяда проч-
найгодсь, сяда крхкалгодсь. Танга
сяка, иднать, тонафнема качест-
ванц инкса тюремась ниньге ламо-
да афсатомшка.

Минь школьниконеконь йоткса
аф кржа стама шабада, конат, ко-
да мзярда бди сире пингть, аф то-
нафнесазь наукатнень, а заучен-
дакшнесазь, тиеньдихть зубрежка
аноконяты, пяк сидеста аф шарьх-
кочнесазь смыслайц сянть, мезе
синь товафнихть.

Ниньге ламоц иднатьнень эзда
самостоятельна эсь ланкост аф
работайхть, тонафнекшнесазь сем-
боть авьцек учебникнень коряс, но
йотси кржа али пцтай йотси аф
моравнихть, аф тиеньдихть мезе-
вок кружокнень эса самостоя-
тельна.

Вов мон няфтян теентть кепотькс,
кода кафта взрослай цюрот Мос-
кувонь фкя школас 8-це классонь
тонафнихть отвечать тятдень ки-
зоть литературат коряс испытан-
иятнень эса.

Учительсь кизефни: «Азондось
мезе тинь содатада Шекспиронь
„Гамлетонц колга?“»

Ученицась отвечай: «Шекспиронь
Гамлетонц» кирьди пяк оцю значе-
ние... Сон кирьди пяк оцю значе-
ние и ульсь созвучнай эпохати.
Сон ульсь созвучнай эпохати и
вяфневень ся пингонь философият
и психологият передовой стремле-
ниязон. Сон няфневень ся пингонь
философият и психологият пере-
довой стремлениязон и ульсь эпо-
хань великий ломань...»

Омбопе ученексь, кизефксть кар-
шес сянть колга. мезьса ащи симво-
лизмсь Александр Блокть «Две-
нацать» произведениясонза, отве-
чась тятфа: блоконь «Двенадца-
тец» сьормадозе Валерий Брю-
савсь, то-бишь сонць Блоксь.
ульсь символическай. Сон ульсь
символическай сяс, што тоса ульсь
Исус Христозсь, а рабочай классь
няфтьфоль кимкафтува бродягань
образса...»

Няисазь шабат, нят кафта уче-
никне тонафнезь наизусть сембе
нят ученай валхнень, тийсть зуб-
режка анок выводтненьди сянть

В. МУСКИН

ВЛКСМ-нь ЦК-ть пионер
отделонц заведующаец

вастьс, штоба шарьхкодемс мезьса
ащи тевсь и эсь валост простой-
няста сембень азондомс.

Сада лифттыма и пашкодтыма
тя тонафнема кизоть тятфама ло-
зунг: тюремс учебникть осмыс-
леннайста шарьхкодеманц инкса
плюс тонафнихнень эсь ланкост
самостоятельна работамасна!

Осмысленнайста содамс учеб-
никть, эсь предметцень—тя зна-
чит аф тонафнемс наизусть, аф
тиеньдемс зубрежка, а кизефте-
мо: несколькость учительть (кда
тя эряви), шарьхкодемс эститъ
смыслайц сянть, мезе тонафнят.
Эста тонафнеф предметсь тьож-
дыста ули шарьхкодьф и аф юк-
стави сембе эряфцень пинкс. А
зубрежкань коряс тонафсь куро-
кста юкстави.

Работамс самостоятельна эсь
ланкост.—тя значит, географиянь
учебникти башка лувондомс, ке-
потьксоньди, великий путешес-
венникнень книгаснон; литерату-
рань учебникта башка, морафнемс
инь цебарь классикнень и тяниень
пингонь писательхнень книгаснон;
физикань урокта башка, занима-
дакшнемс технической любитель-
ствань кружокова; математикада
башка, стак ащема пингста зани-
мандакшнемс занимательнай мате-
матикаса; естественаниянь учеб-
никти башка, кочкамс цебарь гер-
барий, тиеньдемс опытт растени-
ятнень мархта и ст. тов.

Кярьмодова эсь педагогоньтень,
вожатаентень и школань дирек-
тороньтень руководстваснон ала
школьной библиотекатнень эс по-
рядкань тиеме и тиеда стане, што-
ба эрь тонафнись улець библио-
текань постояннай посетитель!

Пионерхненьди сяда куроц эряви
отрядтнень эзга и школаса пуро-
томс различнай кружокт, конат-
нень эс эрявихть фатямс сембе
тонафнихнень.

А пионерхнень инголе ащи тят-
фама задача: васеньцекс няфтемс
кепотькс школьной наукатнень
осмысленнайста тонафнемасост,
васеньцекс няфтемс кепотькс эсь
ланксонтт самостоятельна рабо-
тамаса.

Кадк эрь пионерсь терьди соци-
алистической фкя-фкянь йотама
кафта-колма аф пионерхт сянкса,
кие тевса сяда цебарьста паш-
кодсь минь мархтонок лифтф
лозунгть.

Тянь шовор ванода, штоба ся,
кие фкя-фкянь йотамаса ули сяда
инголе (а инголе эряви улемс пи-
онерти)! Афоль карма прянь няема
сянь мархта, што сон инголе, а
цебарьста лездоль ялганзонды,
штоба синьге улецьхть тятфама
жа отличникт, инь цебарьста то-
нафнихть.

Ладямс станя фкя-фкянь йота-
мать, штоба сембе школаса сода-
лезь кие и кода пашкочнесыне
эсь обязательстванзон. Тянкса
сьормачнесьт соревновандайхнень
результатснон соревнованиянь спе-
циальной доска ланкс, фотобюл-
лебендтненьди, стенгазетатненьди
и ст. тов. Сяда лама полезнай вы-
думкада сянть инкса, штоба тиёмс
соревнованиять красочнайста!

Аф калдыв ули, кда пионерской
звеньява шабатне кармайхть азон-
чнемь, кода синь пашкочнесазь
эсь обязательстваснон, и звенотне
кармайхть лездом синь сяда це-
барьста пашкодемаснонды. А минь
старандатама Наркомпрость мар-
хта, штоба васеньце четвертьт пест-
та няфтемс передовикнень, виде-
сонь отличникнень, конат сембе-
да цебарьста кармайхть осмыс-
леннайста наукатнень тоначнемь,
самостоятельна эсь ланкост ра-
ботама и синьцень фталу лядон-
ды ялгаснонды лездом.

Тонафнемань качествать инкса,
конафтома аш кода касомс виде-
сонь коммунистокс, уледа, шабат,
анокт!

Большевикокс апак васьфтт тонафнема кизось

Саранской 1-це № аф полной
средняй школат лама оцю сатф-
кстонза учебнай кизоти аноклама-
са. Школати тийф цебарь ремонт
и ст. тов. Тя школаса директоркс
работай сире, опытной педагогсь
Иваницкая ялгась, аф калдыфт и
лия педагокневок. Но апак ватт
тянь лангс, школась боль-
шевикокс ашезе васьфте 1-це сен-
тябрьть—тонафнема од кизоть
ушедоманц—XXI-це Международ-
най юношескай шить. Синь тонаф-
нисна тя шиня 100 процентсашестъ
лись, а пуромсть аныцек 85 про-
центт.

Школань дирекцият ширьде
максф приказ, штоба сентябрьть
2-це шинцты содамс, кодама муво-
рда лиссь тя оцю афсатыксь, сяс
мес сатомшка йотафть аноклама
работа, лиякс азомс сембе тонаф-
нихненьди эсь пингстост ульсть
кучфт извещения.

Сяда башка оцю афсатыкс ащи
школаса ся, што тонафнема кизоть
васьфтезь пионер-важатайфтема.
Пионерхне пуромсть, а вожатайсна
синь аш. ВЛКСМ-нь обкомт пио-
нератделонцты курокона эряви
обеспечендамс 1-це № школась
пионервожатайс.

Сяда башка школат аш нинге
преподавателец эрянь кяльса.

Надъятама 1-це № школась и
сонь руководителенза аф афса-
тыкснень курока машфтсазь и
ударнайста кярьмодихть и кармай-
хть мольфтемонза идьтнень тонаф-
немаснон,—оправдандасазь, кода и
йотай кизоть, школат колга пар-
тият и правительствать путфкс-
нон тядденге!

В.

Перестройкась йотаф неви кагод лангса

ВЛКСМ-нь райкомской моркшть
лангса, оцю куча гаготнень йотк-
са усксевичть кафта формат, ко-
натнень колга сентябрьть 5-це
шинцты ВЛКСМ-нь обкомти эря-
вихть кучемс политтонафнема
пуроптоманц колга сведения. По-
литтонафнемань отделонь заве-
дующайсь Ивашкин ялгась келеп-
тезень нят форматнень и корх-
тай:

— Вов обкомсь веши сведения,
а коста мон синь сясайне.—Сяда
меле аф ламос думандась и тага
марьги: сентябрьть 15-це шинцты
кода-кода макстама.

Ушедоме вандома Ивашкин ял-
гать работанц, комсомолецнень
йоткса политтонафнема пуро-
томанц колга.

Вешеньдихть пропагандистт

Рыбкинань района 360 комсо-
мolec эрявихть фатямс политтонаф-
немаса. Пцтай 50 пропагандист
эряви анокламс нят комсомолец-
нень тонафнемост. Но мянь тячи-
ень шис райкомсь нят пропаган-
дистнень ашезень кочка.

Райкомть планонц коряс августть
15-це шиста сясомок райцентраса
эряволь паньжемс пропагандистонь
курст, но нят курснень колга мянь
тячиень шис райкомсь мезевок аф
думандай. 47 пропагандистть васи,
конат эрявихть мумс и анокламс,
кочкаф аныцек 24 и нятка аны-
цек намеченнайхть, а синь содама
шиснон кивок аф содасыня. Рай-
комста велень организациатнень-
ди кивок ашезь яка и сяс рай-
комсь мянь тнярс аф содасы, ко-
лама школас путомс башка комсо-
мolecть.

Школат пуропнихть кабинетса

Ниньге сяда калдыв кружоконь
пуроптомась. Марнек райкомсь и
башка Ивашкинц йотси аф сода-
сазь кодама организацияс кода-
ма кружок пуроптомс. Райкомса
кодамовок сведенияи аш сянть кол-
га, коста можна улець ба няемс
кодама комсомольской организа-
ция аделазе Карпинской учеб-
никть.

Тятфа-жа ащи тевсь партият
историянц тонафнеманц колга
кружоконь пуроптомась. Ивашкин
намечандась сембе района пуро-
томс аныцек вете кружокт и марь-
ги сяда лама аш коса пуроптомс
и аш руководителхть. Ушедомс
вандома комсомольской организа-
циятнень. Нят вете кружокта баш-
ка лувсть тага 3 комсомольской
организацият, коса сави пуро-
томс партият историянц тонафне-
манц колга кружокт и улихть ру-
ководителхтьке.

Партият историянц тонафнеманц
колга кружоконь руководителхне
и начальнай школань руководи-
тельхне—коммунистне ВКП(б)-нь
райкомонь бюроса апак кемьста-
кт и синь содама шиснон и заня-
тиянь вятена маштома шиснон
ВЛКСМ-нь райкомсь аф содасыне.

Райактивсь юктаф

Аш кода аф азомс сянть колга
кода райкомсь вяти тонафнема
районнай комсомольской активть
йоткса. ниньге июль ковьт эзда
тийф списка кие кармай тонафнема
партиянь историянц кружокса, но
мянь тянинь шис фкевок занятие
ашестъ йотафта, аф ваномак сянть
лангст, што кой-кона комсомолецне
чуть аф эрь шиня эняльдихть, што-
ба ушедомс тонафнема.

Мезена мянь тнярс тиеньдихть
Рыбкинань райкомовецне? Синь
ащчекшнестъ эсь кабинетсост, и
заседаниясост лихнестъ резолюцият
комсомольт работанц олукс тиёманц
колга.

С. Ларнонов

Рыбкина

И. Кутяков.

Чапаевсь Колчакть каршес



Чапаев Василий Иванович

(Биографиянц эзда)

Чапаев, Василий Ивановичсь шачсь январь 28-це шистонза 1889 кизоня Буданка вели, Чебоксарской волости, Чебоксарской уездса, таниень Чувашской республикаса.

Атянза—аванза Василий Ивановичть вов китопть: атяц сонь, Степань, эрзя, беднай крепостной крестьянин, афи мяляфтови пинкнень эзда нинге сон эрзясь Буденка велеса. Василий Ивановичть аляц—Иван и тядяц Катя станя жа 1897 кизоть самс эрзясь Буденка велеса, и сяс мес синь стама крестяниттольхть, конатнень кржалъ модадост, то тя кошарезе Иван Степановичть занимандамс отхожай промысласа—плотничендамаса.

Оцю цюранза—Чапаевце, Михаилсь, Андрейсь, сятнень йоткса и Василийсь, тонафнесь Буденка велеса приходской школаса, но иля вастс туманон мархта синь тонафнемасна лоткафтовсь, и Василий Иванович Чапаев кенерсь сембец аныцек тонадомс букватнень и слогонь—слог азбукать лулома.

Комсьфкие кизоса Василий Ивановичсь урвьвьясь Балаково ошень мешанка—Пелагея Захароватъ лангс.

1910 кизоня сонь сязовъ военной службав, пехотаа. Службаста мрдась унтер—офицеркс.

1912 кизоня шачсь Василий Ивановичть цюрац—Александрсь, конац тани служай РККА-ть моторизациян и механизациян Академиясонза.

1913 кизоня шачсь стирец—Кладьясь, конац тани эряй Самараса.

1914 кизоня шачсь цюрац—Аркадийсь, конац тани аделсесы летчиконь военной школатъ. Чапаев кеместа кельгезе семьянц, идензон мельге ванць пях пароста, сон ульсь цебяръ аля. Эр шинь эрэфсонза Василий Ивановичсь скромнай и чуткай ялга, ашезь сим, ашезь тарга, ашезь кяжъяфне и кройсе маластонь ломанензон лангс апак ватт сян лангс, што сонь вспылчиваель характероц, сон ульсь обходительнай: сонь эсонза ульсь кодама бди вий, конац ко-

4-це армиять командованиянц М.В. Фрунзетъ самс расформировандазе 25-це дивизиять. Уральск ошть сязомда меле 1919 кизоня январь 24-це шистонза, ниле полкне 1) це комбригть Михалев ялгать командованиянц ала тусть Оренбургть алу Гай ялгать 1-це армиязонза, а вете полкне 1-це комбригть Кутяков ялгать командованиянц ала иляпсть 4-це армияв.

25-це дивизиять штабоц ульсь расформировандаф, полковничье-офицерской составъ эзда ламосна тусть странатъ тылозонза, а кой-конат срадсть (тусть) армиять штабонзон эзда, но фронту кивок ашезь иляд.

Советонь странати тя грозной пингть М.В. Фрунзе арьси меки тимс 25-це дивизиять воглаве Чапаевть мархта, составсонза кармайхть улема Кутяковъ бригадац (73 бригадасъ), Потапов ялгать Алтайскый бригадац 75 бр.) и 74-це бригадасъ; тя бригадатъ пуроптозе Фрунзе ялгась Самаратъ маласа. Сонь составсонзот 220-це стрелковай полксь, конац ащи Иваново—Вознесенский рабочайхнень эзда; 221 стр. полксь—Сызранский рабочайхнень эзда и 222 стр. полксь—Москунь рабочайхнень эзда.

Восточнай фронтонь штабсь тя бригадати командирокс путнесы офицерть Авилотъ, конац 1919 к. апрельть пилестонза кядьсонза Фрунзень приказонзон мархта воръгодсь белайхнень шири и няфезень Колчаки краснай командованиянсь сембе платнень.

М.В. Фрунзе сембе 25 чапаевской дивизиять уральской казаконь фронтста 1919 кизонь апрельть васеньце пилестонза подвода лангса кучсесы Бузулуку, Кинель станциять районц, Колчакть победонсна этси войсканзон, илякс азомс, Ханжин генеральть западнай армиянц срафтома.

Апрельть 28 шистонза 1919 кизоня Бузулукъ эзда север шири, Боровка ляйтъ лангса Чапаевской дивизиянъ 73-це бригадатъ ульсь васеньце сражениян. Тя бойса скрось машфтоськ белаень 11-це дивизиять, сязф 1000 ломатъ пленнайхть, батарея и 50 племетат.

Апрельть 30-це шистонза Кинель ляйтъ лангса срафнесы наголову противникъ 21-це дивизиянц. Тяфта, колма шинь пингень бойса чапаевцеце машфтозь генерал Сукинть сембе котоце корпусонц (Сукин—тя потомок Преображенской полкть командиронцы, конац командовась Петр I йтъ пингста). Тяда меле чапаевцеце тийсть шарезень сембень, кие сонь маласонза ульсь и сонь мархтонза работась, кельгемонза, апак шарькодот кошарезень подчиняндамс сонь волянцы, марямс вельксот сонь йоню и тевонь содай шинц.

Василий Ивановичсь ульсь цебяръ, конаконь кельги ялга. Сонь квартирасонза прокс ламоль ранандаф ялгада, гражданской войнать ушedomок сонь квартирац арась пцтай лазаретокс.

Василий Ивановичсь ульсь кристальной честностень ломань. Васьякафнематъ, мезьса и коса афоль ульба—общественнай ли тевсь или эсь эрэфсонза—сон йофси афольхце кьерде.

Кда киньди удалакшнесь хотя бавестъ, нлта афоцъ тевняса сонь васьякафтомс—тя значит прокс юмафтомс Чапаевть кельгоманд и довериянц

Колчакть единай фронтозонза сязьфкс 80 километрань квилма.

Тя сязьфксти М. В. Фрунзе кучсесыне эсь ударнай группань основной виензон. Чапаевть сембе колмицке бригаданза кярмодькшнхть упорнай бойс Бугурусланонь районца генеральть—князь Голицинть васеньце корпусонц каршес.

Мекпяли, ня бойхнень аделамок, 25-це чапаевской дивизиясь майть 1-це шистонза сязомок 5-це шинц самс машфнесы князь Голицинть тя корпусонц.

Колчакть ударнай армиянц мархта командующайсь—генераль Ханжинъ—арси нельгомс краснай войскачнень нядса инициативать контрнаступленияс йотаматъ мархта. Сон усксесы Колчакть гвардиянц—Ижевской бригадатъ и генеральть Войцеховскый 2-це корпусонц Татарской Кандызу—Домосейкинонь району.

1919 кизоня майть 8-це шистонза йотни каршек васедемань сражения. Чапаевской дивизиянъ полкне аф аныцек мрдфнесазъ генеральть Войцеховскый 2-це корпусонь контрнаступлениянц, но 73-це бригадасъ целиком машфнесы Колчакть гвардиянц—ижевской бригадатъ—Татарской Кондызъ ала, сязьсь тьожянда лама белай солдатт пленц и 4 орудият.

Тяка жа шиня М. В. Фрунзе сась автомобилс Куйбышев ялгать мархта тюремь васту, макссь приказ, конац эса благодарил 25 чапаевской дивизиять, а 73 бригаданъ полкнень и батальоттнень командирсон тюремь паксать лангса казезень Краснай Знамянъ орденца.

Василий Ивановичсь афлоткиси успехнень лангс, сон энергична сембе колмицке бригаданзон мархта пани противникъ эса.

Майть 11—15 шинзон эзда Чапаевской дивизиянъ полкне лиссть ИК ляйти, Шалты—Атсаламова велетьнень участказост, коса срафтозь генеральть Войцеховскый 2-це корпусонц, сязьсь лама пленнайхть, 3 орудият и лама пулеметт.

Эста мля генеральсь Ханжисъ вятнесы эсь иляды строгическай резерванц—генеральть Каппельть ударнай корпусонц.

Чапаевской дивизиясь решительнайста мольсь инголи Белебейть лангс, конац районца кармась молема бой. Каппелевцеце ульсь мядондафт и йордаф Белай ляйтъ омбокс. Чапаевцеце майть 17-це шистонза занязъ Белебей ошть, фатясть лама пленнайхть, пулеметт и противникъ батареянц.

Майть 30-це шистонза 73-це бригадатъ налетонц мархта сязф узловой станциясь—Чиммась. Генеральть—Ханжиль армиянц илятксонза тусть Белай ляйтъ тонабокс. Уфать районц.

М. В. Фрунзети тага савсь назначендамс Чапаевсь Уфа ошть сязома.

Июнь 7-це шистонза 1919 к. 73 бригадасъ Краснай Ярть районца Переппаванъ тя вастти генеральсь Ханжисъ пуропнесыне Каппельской корпусъ сембе виензон и офицеронь ударнай батальеттнень. Тяса тивесь жестокай сражения, конац таргавсь колма суткат. Чапаевцеценди аф вестъ сашендовсь меки шаштомс Белай ляйти. Ня бойкнень пингста Чапаевской полкнень стройста лиссть 2000 боецт, тяда башка июнь 8-це шистонза ульсь ранандафт В. И. Чапаевсь М. В. Фрунзе и фронтонь полити-

правлениянъ начальниксь—Тронин ялгась.

Июнь 9-це шистонза Турбаслы велеть ала, йотай шинь победасон мархта кеподф колчаковецне тиезь эсь люпштамасон сянкса, штоба ваяфтомс Чапаевской полкне Белай ляйти.

Мон кода тяньек няйса: шобдава, рана, белайхнень колоннасна, офицеронь ударнай батальеттне оцю розъ паксая молихть чапаевский полконь пряхъ аралай цепнень каршес. Тя ульсь июнь 9-це шистонза 5 частт шовдова, а 8-це частть самс, илякс мярьгомс колма частта меле тя розъ паксаясь ульсь лядьф Чапаевцеценъ пулеметонь толсон мархта. Эр квадратнай сажентъ лангса ульсь шавондф белай офицерхт, шафт—каряфт равжа сукнань фречсеса, георгиевской крес мархта и иля белай мушураь. Белайхне юмафтсть тя бойса 3000-шка салдатт.

Тя бойсь няф чези „Чапаев“ кино фильмаса, психическая атака*лемса.

Колма шинь бойда меле чапаевцеце июнь 9-це шистонза занязъ Уфа ошть. Колчаковской армиять жалкай илядксонза кармась формированнай маршса тумь Уральской хребетть тонабокс Тобольть, Иртышть и Тихай океанть беряконзонды, а тылста шавольхть эсост Сибирской Краснай партизаттне и фронтть ширьде 27-це и 26-це стрелковой дивизиятне.

„Правдась“ эсь передовицасонза*) тяфта сьормадъ Колчакть срафтомаса Чапаевской дивизиять роленц колга:

„Восточнай фронтонь южнай группась Фрунзе ялгать руководстванц ала максси Колчаки сокрушительнай удар. Белогвардейщинаць восточнай фронтоц арси педа-пес сязьфста.

Тя замечательнай операцияса, коса Колчаки макссези смертельной удар, сембода пях няфнесазъ пряснон 25 чапаевской дивизиясь и сонь дивизиясонза Кутяков ялгать 1-це (73) бригадац. Ушедкшинь колчаковщинаць агонияц. Победнай марш мархта Краснай армиясь йотни Сибирьть эга. Сон заньцесы Иркутск ошть. Тяса мушендсы эсь позорной пенц кровавай адмиральск. Блестящай героическай подвигнень инкса М. В. Фрунзесъ лихнесы Чапаевть Краснай знамянъ орденнти.

Минь сьормадсасъ республикань РВС-ть 1919 к. июнь 14-це шистонь 137 № приказонц:

„Казеньдеви Краснай знамянъ орденца 25-це стрелковой дивизиять начальникоц Василий Иванович Чапаев ялгась тяфтама отличиянкса:

Революционной починтть коряс отрядонц пуроптомда меле 1918 кизоня майть, июнь, июль, августъ и сентябрь йотамс вииста аралась Саратовско-Николаевской райоттнень эса, васенда Уральской казакнень, а тоса чехословакнень нападениясон эзда.

1918 кизоня октябрь 6-це и 7-це шинзон эзда отрядонц мархта (Николаевской дивизиянъ), Самарти нежедемста, конац заняфоль чехословакнень мархта, инь васеньцекссь йотась Самарка ляйтъ туркс, таконь мархта кепсезень [мьяльсон соседней частьтнень, тя и способствовандась частьтнень курукста йотамасонды и Самаратъ занямандцы.

*) 1935 кизоня январь 16 шистонза

Сентябрь 15-це шинцы пашкодемс сьоронь максом киза кувалмонь плантть

Августь 28-це шистонза радио вельде ВКП(б)-нь крайкомть секретаряц В. П. ШУБРИКОВ
ялгат докладоц *)

Сатомс оцю темпт натуроплатань поступления

Партийнай руководстваса серьезнай афсатыксокс арси ся, што нльня ня райоттневок, конат инголи молихть государствав обязательнай поставкатнень пашкодемаса, резкайста фталу лядыхть МТС-в работанкса натуроплатань максомаса Райоттнень эса, конат нинге августь 25-це шинцы государствав обязательнай хлебопоставкатнень коряс пашкодезь ни киза кувалмонь плантть паледа ламонц, минь улихть йофсикс афсатомшка, можна мярьгомс, позорнай цифрат, натуроплатань пандомаса конат питай косонга аф касфнесазь киза кувалмонь плантть 30—35 процента, ламос а лама районга ащи 10 сявомок 25 проценттненьди самс. Натуроплатань пандомаса тя фталу лядомась корхтай сянь колга, што минь партийнай руководителеньке аф маряйхть эсь лангсост ответственность сембе районтть работанц инкса. Формальнойста натуроплатань плантть пашкодеманц инкса ответственность кандыхть васендакиге МТС-нь директорхне. Аньцек сяс кой кона райкомонь секретарьхне и райисполкомонь председателъхне валхнесазь эсь лангсост ответственность сьоронь максомань тя инь эрявикс работань участкати инкса, лувондомок, што тя тевсь должен улемс непосредственно МТС-тнень.

Аф няеви, штоба минь партийнай райкомоньке маряйхть ответственность и совхоснень работасон ингсонга. Тяхай откть совхоснень колга, конат арсикхт подлинно-социалистической хозяйствань типокс, минь должеттама няфтемс оцю забота. Партийнай руководствань аф вятать мархта азондови, што лама совхост, конатнень мархта трудна вятемс руководства непосредственно крайста, конатнень мархта инь пях должетт занимандамс партийнай райкомтне, ят мелкай совхосне, конатнень улихть сембе возможностьна аделамс сьоронь максомасон, тя пингс изезь пашкодемкиза кувалмонь планцон/паленца.

Натуроплатань пандомаса райоттнень фталу лядомасна азонды пях опаснай последствият. Натуроплатась ащи единственной доходнай источник минь машинно-тракторной станцияньконьди. Тя конь мархта эряви мярьгомс, што МТС-тнень ламосна тяни ащихть финансовой стака положенияс. Сидеста райкомонь секретарьхне и райисполкомонь председателъхне работайхть сянь лангса, што кучсикхть оцю количестваса телеграммат крайти просьба мархта кемокстамс тя, али тона МТС-ть финансовой положениянц, али хоть нолдамс кредит горючаень рамамс, работама питнень пандомс. Тяфтама ялгатне юкснесазь, што кодамовок дотация, кредит мархта петемс тя, али тона МТС-ть финансовой положениянц аш кода, сяс мес синь и сада товга тяфта терпимайста жармайхть ваномс колхоснень ширьде натуроплатать афудовлетворительнайста пандфтоманц шири.

Партиянь райкомтнень вниманиясон лафчептемац МТС тнень работасон шири вятнесамазь и лия политически и хозяйственно вреднай явлениятненьди. Минь проверендаськ Денискинской районтть сьоронь максомаса фталу лядомань

причинанзон. Мувсь, што основной причина—тялматы безобразнайста организовандамац. Аф грешиндамок истинать каршес, можна мярьгомс, што чуть-ли аф сембе молотилкатне Денискинской райононь изезь пашкодне выработкань нормасон.

Тяса главнайсь тьялмаса трудть аф правильнойста организацияц. Вов, кепотьксоньди „Красная армия“ колхозсь. Тьялмста 15 шитнень пингста бригадаты составоц полафневсь колмокс. Кировть лемса колхозса МК 1100 молотилкась тьялсесь шити 45 центнерхт. Азондовсь тя сянь мархта, што молотилкаса работасть аф 17 ломаньда лама, синь эздост 5 подросткат. Молотилкати сьоронь усксемаса работасть аньцек 4 полводх. Шарькодф, што бригадаты тьялматы количественнай и качественнай составсонза, тяфта пулфонь усксезь 70 проценты работасть шавос.

Минь ялганьке йорасть тиемс упрект МТС-нь директори сонь ширьденза тьялматы кальдявста организовандамац колга. Но ся спокойнайста отвечась, што сон работанц лувонцы пашкодфокс сяс, мес молотилкась эсь пингстонза и доброкачественнайста отремонтированнай и договорнай пингнень коряс максф колхозу. Тьялмаса трудть пуроптоманц сон лувондозе-ни колхозти тевкс. Тя директорсь ванондозе МТС-ть роленц колхосненьди отношениаты колга, кода простой прокатнай пунктон, да и сянгя, кода безхозяйственнаень, сяс мес цебарь хозяйинць всетаки заботьяль-ба сянь колга, штоба молотилкась шавос афоль работа, сяс мес тя вятнесамазь сонь пингта инголя синьдереманцы. Тя директорсь юксатенсь эсь обязанностензон государствав инголе, юкстазе, што сонь функциязонды сувси аф аньцек молотилкаты эсь пингстонза и добросовестнайста петемац, тя молотилкаты колхозти правамаца, но и тя молотилкаты амортизационнай питненц колхозть ширьде добросовестнайста и эсь пингстонза ланфтомац и тяфта жа мельганза цебарьста ваномась. Сон юкстазе, што МТС-ть арси основной рычажок минь колхозоньконь кемокстамосон ингса.

Тя фактсь характернай аф аньцек сянь ширьде што МТС-ть руководствасонза ащихть кой-коста политически аф грамотнай ломатть. Сон ня фнесь йофсикс афсатомшка руководствать нят ломаттьнень лангса партийнай районнай комитеттнень ширьде. Эряви тань машфтомс. Эряви, штоба минь ялганьке райкомтнень эса шарькодфелезь, што натуроплатань пандоматнень коряс сьоронь поступления ингса синь кандыхть тяфтама жа ответственность пролетарской государствав инголе, кода и обязательнай поставкатнень ингса.

Ламотне ильсезь прясон сянь мархта, што межрайоннай комиссияне кирьнесазь урожайностьнень размерснон колга сведениятнень. Тя, в иде, кой конашкада стакалгофнесы работать, но коданга аф арси туфталкс, конаш-ба мог кирьдемс натуроплатать поступлениянц. Урожайность предварительнайста определенияц содаф и райкомтиньге, и райисполкомтиньге, и МТС-тиньге, и колхосненьдиньге, и окончательнай цифратнень ингса задержкат не должет улемс и не может улемс.

Вишкоптемс единоличнай секторга сьоронь максомать

Единоличникнень йоткса работать колга.

Минь руководстваньке тя участка нинге сяда кальдявста ащи, чем сьоронь максомать мархта руководствась колхознай секторга.

Нльне Мокшэрзянь областсьа, кося единоличниконь проценты относительно оцю и кося сьоронь каяма плантть значенияц единоличнай секторга пях оцю,—единоличникнень йоткса работась минь партийнай организацияньконь аф непосредственной воздействиясон ала. Тя вяти пях оцю отрицательнай и хозяйственной и политической результаттненьди.

Лавиньялгась, улемок Мокшэрзянь областсьа лама районга, мусь, што единоличникнень йоткса тиендеви хть явнай перегибт. Лама велетнень эса Зубово-Полянкай районца единоличникнень кудга нолнефтольхть массовой обыскт, районнай уполномоченнайхне единоличникнень тинге лангсост усксезь сьорот и ст. т.

Но ня перегибнень мархта шовор улихть сяда лама случайхть, мзярда единоличникти, атказамок сон сьоронь максомать эзда, аф применядакшневи хть нльня законнай санкцияне. Сидеста велень советтне тиеньди хть абсолютнай равнодушия сяньди, што единоличниксь аф пашкодкшнесы эсь июльской планонц и тиеньди саботаж августовскай заданият каршес.

Тя наксада либеральной отношенияс сьоронь поставкаса саботажникненьди коста-коста лисеньди аф аньцек вельсоветонь председателъхнень ширьде, но и районнай работникнень ширьдевок, башка комзаг СНК-ть уполномоченнаензон ширьде. Рузавекань районца Сузгарскай вельсоветсь тись представлениа 6 единоличнай хозяйстватнень лангс штрафонь путомс Комзаг СНК-нь уполномоч. сисем шинь йотамс ашезь му йотка примамс кодама-кодама мерат бта, ся причинатнень сюнеда, што ашельхть сатомшка материалхт. Эряви азомс, районць тя вельсоветть мархта сотф телефонса и ащи стама расстоянияс, коза можна молемс частпале морхта арнемс меки вазу и ваномс тевсь вастсонза.

Аф кржа случайда, мзярда минь велень работниконьке арсикхть „честнай шляпань“ рольс, конатнень единоличниксь пях локфайста шарсыня. Кда максат кизефкс вельсоветонь председателъти, мес сон аф примоси кодамовок мерат сьоронь максоматемпнень эряскофтомасно нинкса, сон спокойнайста отвечай, што, мол аш мес беспокоиндакшнемс, сяс мес единоличникне честнайста пашкодезь эсь обязательствасон июль ковста и макссть вал стама жа честнайста пашкодемс эсь обязательствасон август ковста, но ковьт мекольдень пятидневкаста. Няеви, што тя—ловкай маневрась сьоронь максомаса саботажникнень ширьде. Тяфта синь йоразь тиемс сьоронь максомати эсь честнай отношениясон, сянкса, штоба спокойнайста урядамс и аф эсь киганза карьхцамс сьороть августь йотамс и шаромс „честнай шляпатнень“ конат вярондайхть валхненьди.

Мзярда минь организовандама государствав сьоронь максомать колхознай секторга, то минь ашема лотка ковань платтненьди, а йотамя оперативнай заданиян

макссема эрь ветьа шити. А мес ба тяфта аф тиемс единоличниконь секторть мархта?

Ся тейнек афоль тие неожиданность и аф добросовестнай единоличникнень срхкафтольхцень мзярда эряви пандомс государствав эсь обязательствасон единоличнай секторть китькса. Тя эряви тиемс и сяда курок.

Лама велень советонь председателъти государствав сьоронь максомат кальдяв темпнень азончнесазь сянь мархта, што единоличникне ашесть виде тозерхт и пинепть, а видесть позднай культурат—пцтай сембе сурот, сяс и августонь планць аф пашкодеви августонь остатка шитнень эзда, али сентябрьт висеньце шинзон эзда. Тяса минь няйхтьама аф добросовестнай единоличникть ширьде уловка, кона мархта йорасамазь минь васькафтомс.

Но вдь единоличникти максф кеме государственной обязательстват аф аньцек суроньди, но и лия культурандиньге. Сяс велень советть шире сембе основанияс единоличнектъ кятта вешемс, аф аньцек плантть сьоркс пашкодеманц, но и стама культураса, кодапт азфт обязательствать эса. Кда единоличниксь обязательстванц аф пашкоцы, то сянь мархта ули м а к с ф привилегия колхозда цебарь, сяконь мархта аф добросовестнай единоличникнень йоткса ули кемокстаф мяль, што саботажть инкса аф ули кодамовок наказания.

Лафча сьоронь максомать, мекольпяли, кой-кона велень работникне, да и районнай руководителъхневок аф атказайхть азондомдонза сянь мархта, што единоличникне колхозу сувайхть и сянкса аш мезенкса эряскодомс государствав ингеле синь обязательствасон пашкодема. Мезе ули вийсна вишкоптитхь коллективизациян темпнень единоличникнень эзда, конат исть ява модать эзда, исть ява вельхозяйствань производствать эзда, кося минь аш кодамовок праваньке, штоба валхтомс синь советскай закоттнень пашкодемасост.

Единоличнай секторга сьоронь максомат положенияс вешти дополнителнай мероприятият партийнай райкомтнень ширьде. Тееньк эряви мяляфтомс, што сьоронь максомать пашкодемац единоличнай секторга—сяда труднай и сложнай задачась, кода сьоронь максомась колхоснень эса. Эряви няемс, што классовой врагсь мушенды сяда благоприятнай почва эсь шорьсема работанцты единоличникнень йоткса. Сянкса эряви вишкоптемс минь работаньке единоличникнень йоткса, сянкса, штоба пингстонза и полнайста пашкодемс государствав ширьде максф теест сьоронь максомань обязательствать.

**

Мекольдень валхнень эса мон йоран лоткамс фкя вреднай традициян лангс, кона ули кой-кося минь работанеконь эса. Мон корхтан сянь колга, што тя али лия работать арьсикхть аделамс аньцек „основнойста“.

(Пец 4-це лопаширеса).

В. П. Шубриков ялгать докладонц пец (Ушедксоц 3-це лопаширеса)

Кодамовок государственной хозяйственно-политической сию кампаниянь ушедомста минь пях вишкста тюрхатам тевть ингса и маштата тием севть стана, штоба сатомс вишке темп и работань аф калдяв качества, но работат пестя, самай ответственной и критической моментста сидеста эрси—сатфксень эзда ушеры шарома прясъ. Минь лувонцаскъ, што тевс основной ста тиф, а илядысь пачкоди эсь отям. Тя традициясь пях вреднай, кона йотай кизотнень пях кемоста „пулонц“ мархта пиксь эсонок, тяддя та станяжа кемоста ащи калдяв погодать мархта и ня трандиознай кизефксень мархта, конат ашихть минь инголенок и может калдяв ширде няфтемс пряс минь семсе работанекснь эса.

Мекольдень пятиневкаты эзда урожаеъ урядамать минь крѣтаскъ кафксты и пях увереннаян што тя лиссь сянъ сюнеда, што райкомонь секретарьхненъ и райисполкомонь председателъхненъ эзда оцю количествасъ лувондсазъ, што сянъ сьоронь урядамать основнойста сяскозъ и можна кяр модемс иля работас. Тяхонь шовор ялгатне юкснесазъ, што нят аф лама илятф процентне пра шендыхть сяда труднай колхознень лангс, конат сяда калдявста организованныхть и материальнойста сяда аф кемот, и што эсь пингстонза и сию качествасъ работань аделамась ня колхознень эса лисеньди сяда стаканьди, но и важнай политической задачаньди. Месяма лисеньди, кда аф пяхкодемс али таргамс 2-3 процентс косовицать, тьялмать районга? Тя лисеньди 20-30 процентс таргамс ня работаньхненъ 5-6 сяда фталу илядф колхознень эса. Тя

лисеньди вятемс оцю сязьфксти нят колхознень и сай кизоня. Тя лисеньди, што тьяфема колхознень фталу кадомс и озимонь видекас, аф пяхкодемс ловалу сокаманы планон и, лисеньди, вятфть калдяв урожайс сай кизоня.

Тя вреднай традициянь инь решительнайста эряви машфтомс. Тя ули кода тиемс анычек эста, коста минь действительнайста болтавнятъ эзда йотатам тевти фталу ляды колхознень таргамаса. Сембеда пях тя традициясь опаснай сьоронь максомаса. Сентябрь 15-це шинц самс сьоронь аноклама планъ тееньк эряви пяхкодемс аф „ссновнойста“, а пълнайста и повсеместнайста. Тееньк эряви лездомс фталу ляды колхозненьди тя задачатнень мархта правондамаса, штоба синьге улелъхть возможностьна тядянь кизонь сьоксезь эзда сьавомок хозяйскайста, цебарьняста анокламс жувататнень тьялонь пингги, и штоба тя кизотъ синь улелъхть возможностьна тиемс кеме фундамент сай кизонь урсажениди эсь пингонь и высококачественнай ловалу сокамать йотафтоманц вельде.

Партиянь Краевой Комитетсь и Крайисполкомсь путозъ колхозник-ударниконь слетть кадомс сентябрь 20-це шинцы. Тя шити минь мархтонк путф задачатне улелъхть ба пяхкодыф аф „ссновнойста“, а целиком и пълнайста. Эряви сатомс сянъ, штоба тя слетти саль кода можна сяда лама делегатт ингели ил-дф колхознень эзда, эста анычек тееньк ули кода азомс, што минь кеместа большевистскайста организовандаськ работать фталу лядф колхознень таргамаса минь крайсонк.

И. Кутяков.

Чапаевсь Колчакть каршес

(Пец. Ушедксоц 2-це лопаширеса).

Прокс частензон инголе ащемста, сон эрекста и эспрянъ аф ужаль дезъ тюрсь ингольденъ цепнень эса, аф вестъ ульсь ранендаф и контужендаф, но прокс илядкшнесъ стройса. Сонь маштыень маневранзон вельде, Александро—Гайскай бригадаты мархта ульсь срафитф генералтъ Толстовтъ казаконь банданза, тя максь возможность тееньк сьавомс уральскай областъ.

Чапаев путф 25 стрелковой дивизияти начальникок Самараса катастрофической положенианъ шить нень пингста, мзярпа противникс сонь эздонза ащесъ кафта переходонь квалма, сон дивизиянц мархта ульсь кучф наступандай противникъ виензон кучкас-Бугуруслантъ алу. Настойчивай стремительнай ударонзон и маштыень маневран-

зон вельде сон лоткафтозе противникъ наступленианц и коновъ и пале коновъ пингъ заняень Бугуруслан, Белебей и Уфа ошнень, тьяконь мархта идесе Средняй Поволжьятъ и мрдафтозе Уфимско-Самарскай сьоронь шачема районтъ.

Уфать али бойса (июль 8-це шистонза) Белай лять фэрсировандамста лична руководил операциять мархта и ульсь ранендаф прятти, но аф ваномок тьян лангс, ашезе кад стройтъ и йотафтозе операциять, конац аделавсь Уфа ошть сьавоманц мархта.

Тя орденъ таки ашезь сафт Василий Ивановичи каннемс мяшьть сонза сяс—мес 14-це июльста Москва ульсь нолдаф—приказсь, а 5-це сентябрьста Чапаевсь юмась Лбищенскайса.

„Комсомолецъ“ спекуляничендай

Рузаевка. ГорПО-нь „Заря“ магазинса работай мишеньдикс комсомолец Бояровсь, конац эр ба зарня спекуляничиндай. Магазиныта, коса работай батинкатынень сьавсыннъ—19 цалковайда, а базарса мишеньцыне синь 35 и сяда лама цалковайда. Тьяфема сьавоньди материят и мишеньцыне базару.

Бояровти мишеньдеме лездыхть балдозонза, конат эрь базарне мишеньдихть магазинанъ товархненъ эса.

Рузаевкань ВЛКСМ-н горкомти тьяфема комсомолецнень мархта эряви примамс мерат.

Шисъ

43 „ФД“ паровост

Ауганск, сентябрь 2-це шистонза. Луганскый заводсь марнек пяхкодезе „ФД“ („Феликс Дзержинский“) паровозонь нолдамаса август коновъ планонцъ. Августъ эзда заводсь нолдась 4 тьяфема паровост. (ТАСС.)

Кафтонъ киза аф паннихть членскай взност

Атемарскай МТС-са ули комсомольскай организация. Мзяра тя организациясь комсомолецта кивокточна аф содасы. Комсомолецнень ламосна кизонь и кафтонъ киза аф паннихть членскай взност.

Комсомолецъ Парченков Григорийсь членскай взност изъ пандаровна кафта кизонкса. Парченковсь нльне аф содасы кие комсомольскай организаторсна.

Тя корхтай сянъ инкса, што тьяса комсомолецнень йоткса аф вятиви

кодамовок работа.

Тьяфема-жа положенианъ и „12 октябрь“, колхозонь комсомольскай организациясовок. Организациясь лувондови 6 ломатть, конатнень эзда кингя аш комсомольскай билетоц. Нльне соньценъ комсоргтъ-кя аш билетоц.

Нят организациятненьди весткъ изъ сашенда Саранскаеъ горкомста фкявок работник. Кода няеви горкомс синь афи содасыне.

Ф. Макаров.

Кие комсоргс?

Слобда. М. Мазкино велеса ули комсомольскай организация, но комсомолецне тя пингс аф содасазъ кие комсоргс. Тя организациясь кодамовок внутрисоюзной работа аф вятиви. Политическай занятият мзярдонгъ аф эрйяхть, станя и комсомольскай собраниятка.

Комсомолецне кодамовок газетат и художественнай литература аф лувондыхть. Тя пингс афсодасазъ ВЛКСМ-нь ЦК-ть XI пленумонц решениянзон, а станя и изезъ лувонда Чемоланов ялгать и Косарев ялгатьнень корхтамаснон.

Лама аф союзнай ломатть йорайхть сувамс комсомолу, но аф содасазъ кие комсоргс.

ВЛКСМ-нь райкомъ эзда кодамовок лезкс ашель.

Надьятама, ВЛКСМ-нь райкомс максы лезкс тя комсомольскай организации и сяда курок ладясы работать.

Комсомолец.

Мес аш комсорг?

Шайгово. Шигань велень комсомольскай организациясь лувондови 7 ломатъ. Тя комсомольскай организациясь колмоце ковсь аш комсорг. Организициять эса кодамовок работа аф вятиви, политической занятият мзярдонгъ аф эрйяхть, комсомольскай пуромкст станя—жа аф эрйяхть.

Комсомольскай организациять ширде колхозти и вельсоветти кодамовок лезкс ашель. Комсомолецне бригадава атак кемокстакт, кодамовок массово—разъяснительнай работа аф вятиви.

Тя организациясъ тя пингс атак кочсекс ВЛКСМ-нь ЦК-ть XI пленумонц решениянза, а станя и Чемоланов ялгать докладонца Москвонь комсомольскай активтъ йоткса.

Тяса улихть комсомолецт, конатнень аш кодамовок личнай карточкасна и станя жа ламонц аш комсомольскай билетсноток. Улихть лама комсомолецт, конат лама коновъ истъ панда членскай взност, но ниньге сяда калдяв ся, што аш киньди пандомска.

Шайговонь ВЛКСМ-нь райкомти эряви сяда курок максомс лезкс Шигань комсомольскай организациати.

П. Т.

Физкультуранъ хроника

* Рузаевкаса августъ 29-це шинцы ГТО-нь васенце ступенень значеконь получаис макссть нормат 203 ломатъ.

* Няфтемек эсь прянц (отличившийся) республиканскай спорткиадаса Пушкина ялгать (Зубу) мордовиянь ВСФК-сь кучезе тонафнема Куйбышевскай физкультурнай техникуму.

М. Т.

МАСОР-нь ЦИК-ть президиумса

ЦИК-сь мярьксъ МАСОР-нь ВСФК-ти октябрь 1-це шинц самс аделамс физическай культуранъ районнай советонь организацият и оформленият и пяхкодемс контрольной цифратнень ГТО-нь значеконьди нормань макссемаса—3 тож. ломань и БГТО-нь значеконьди нормань макссемаса 2400 ломань, стане, штоба республикаса самостоятельная физкультурнай движениясь январь 1-це шинц самс улелъ фатяф—18 тож. ломань.

Тяда башка, ЦИК-сь мярьксъ физкультуранъ Высшай советти анокламда физкультурнай кадрат МТС-тнень, совхоснень и колхознень эса самостоятельнайста работамса.

ЦИК-сь лихтьсь решение, штоба Саранскай панжемс ошненъ спортивной клуб, конань задачазонза сувай кеподемс Мокшэрзянь республикаса спортивной техникать оцю серьс и анокламс квалифцировандаф кадрат башка спортонъ видса.

Сяс мес, пях ламода аф сатыхть школатненьди физкультурнай специалисттне, ЦИК-сь мярьксъ Наркомпрости тя кизоня йотафтомс пълнай и непълнай средняй школатненьди физкультурнай работниконь аноклама фкя коновъ курст.

ЦИК-сь мярьксъ Совнаркомти нолдамс 1936-це кизонь республиканскай бюджетти ярмакт 1936-це кизонь майтъ васенные шинцы Саранскаеъ стадионтъ сяда оцюста касфтомс.

ЦИК-сь мярьксъ свиноводтрестти йотафтомс фкя коновъ физкультурнай организаторонь аноклама курст совхосненьди, конатнень эса анокламс—20 ломань, и вятемс систематическай физкультурнай работа совхоснень эса.

(ТАСС.)

Отет. редакторсь Ф. С. РУСЬКИН

Сембе РОНО-нь заведующайхненъди

Республикаса райоттнень и велетнень эзда кучсеф запроснень лавгс МАСОР-нь Наркомпросъ азончнесы, што учительхненъ мельгя, конат командировандакшневихть разверстка къяс Мокшэрзянь пединституту тонафнема, лувондовихть ингольденъ вастсна, кда теест аф кирьдевихть испытаниятне. Азондостъ тьян сембе командированнайхненъди.

Просвещениянь Наркомс
1—3 ВОЖДАЕВ.